

经解《佛说无量寿佛  
名号利益大事因缘经》  
《净土名号经典》导读

经解《佛说无量寿佛  
名号利益大事因缘经》  
《净土名号经典》导读

一九九九年元月

# 佛说无量寿佛名号 利益大事因缘经

(曹魏天竺三藏康僧铠译)

我闻如是：一时佛在王舍城耆闍崛山中，与大比丘众，千二百五十人俱。诸漏已尽，神通明达。诸众圣其名曰：尊者阿难，尊者目犍连，尊者舍利弗，尊者大牛王，尊者摩诃迦叶，尊者摩诃伽耶迦叶，尊者大周那，尊者名

闻迦叶，尊者大净心志等，皆如斯等以为上首；又普贤菩萨，文殊师利菩萨，信净慧菩萨，善解脱菩萨等。诸大正士，满足无量愿行，安住不可思议功德之法，智慧圣明，如是等诸菩萨众，不可称计，即时来会。

尔时世尊告阿难曰：乃往过去，久远无量无央数劫，有一大比丘，名曰法藏。值遇无数百千佛，满足无量愿，超过诸佛所

行之法。彼法藏比丘，今已成正觉，现在西方清净安乐刹，号曰：不可思议光无量寿如来。其佛本愿力故，以不可思议威神力，遍满十方世界，以大音声，宣布名号功德。是故十方世界，一切有情，闻信其名号功德，即时入正定位，生清净安乐佛国。是故有情之类，纵令在人中，以宿报故：或聋盲喑哑，愚痴狂恶，以其佛光明名号因缘，皆得解脱；

或在三途勤苦之中，受苦无间，以其佛光明名号因缘，皆蒙解脱。闻其光明名号，若信受、若称名，即时除无量无数劫生死之罪。是故阿难：称彼佛号，若一声、若十声、乃至百千声，于念念中，在无数化无量寿佛，常护其人；又有二菩萨，一名观世音，一名大势至，是二菩萨，自为上首，俱诸大菩萨众常来护。其人寿终之后，生彼无量寿清净安乐

国。是故阿难：设有猛火，充满三千大千世界，必当过至，闻信彼佛名号，是人号火中生白莲华，是名不可思议、名号利益、一大事因缘。其佛本愿力故，十方诸佛，皆俱赞誉，彼佛名号功德，又称赞念佛有情之类。是故汝等，皆当信受，彼佛名号。

世尊告阿难曰：如来所以兴出于世间，说彼佛不可思议、真实功德、光明名号、利益大事因

缘。是故我说：难值、难见、难得、难闻。若有众生，有闻此法者，皆应信顺，如法修行。

世尊告阿难曰：彼法藏比丘，为度十方世界，一切有情，虽起超世愿，修无量大行；是本久远实成，本有法身常住。无量寿佛，以不可思议威神力故，遍满十方世界，为教化安立，无数有情，住于无上真实之道。或为刹利、国王、转轮王，或为长者居家、尊性

豪贵，或为六欲、梵天王等，或为地狱、饿鬼、畜生、修罗身，常以四威仪，化作一切。阿难：彼久远实成、法身常住、无量寿佛者，岂异人耶！今日世尊，我身是也。愍念汝等，一切有情，无明大夜暗故，从彼安养无为界，示现此恶时恶世界中，迦耶王舍等，说彼佛名号不可思议功德因缘。是谓难值、难见、难得、难闻。是故若有有情，闻此经者，皆应信受，

如法修行。

世尊告阿难曰：纵令一切有情，烦恼恶业，深障重报，彼佛光明名号，神力无所障碍。是故彼佛，号无碍、无对、清淨、智慧、欢喜等。智慧无碍故，威神力亦无碍；神力无碍故，大慈悲亦无碍。是故浊恶世一切有情，若有碍小智，有疑于佛无碍智、不可思议智、不可称量智、大乘胜智、无等伦最上智，疑惑不信；以

疑惑故，无数多劫中，堕曾婆罗狱，或入频陀罗狱，受苦无穷，无有出期。是故若有有情，正信佛智者，即时入正定位，不退转阿耨多罗三藐三菩提，是名不可思议功德名号利益大事因缘。佛说此经，应时普大地，六种震动，天雨妙花，自然空中，有微妙大音声，赞叹彼不可思议光无量寿清净佛号；及今日世尊说大事利益因缘。世尊说此经时：无

量有情，发无上正真道意；诸天人民，得阿那含果；诸大菩萨，以四弘誓，庄严功德，于将来世，应成正觉。佛说此经已：诸大菩萨众，阿难等诸大声闻弟子众，闻佛所说，欢喜礼佛而去。

## 佛说无量寿佛名号利益 大事因缘经

《佛说无量寿佛名号利益大事因缘经》摘自〔《卅字续藏经》第一篇第一套第四册第一三〇页至第一三一页〕

# 经解佛说无量寿佛 名号利益大事因缘经

## 佛说无量寿佛名号利益大事因缘

设我得佛，十方众生至心信乐欲生我国，乃至十念，若不生者，不取正觉。唯除五逆诽谤正法。

《无量寿经》第十八愿·读本第二二八页

十方恒沙诸佛如来，皆共赞叹无量寿佛威神功德不可思议。诸有众生闻其名号，信心欢喜，乃至一念至心回向，愿生彼国，即得往生，住不退转。唯除五逆诽谤正法。

《无量寿经》·读本第二三六页

若我证得无上觉时，余佛刹中诸有情类，闻我名已，所有善根，心心回向，愿生我国，乃至十念，若不生者，不取菩提。唯除造无间恶业，诽谤正法及诸圣人。

《如来会》第十八愿·读本第二五九页

阿难。东方如恒沙界，一一界中如恒沙佛。彼诸佛等，各各称叹阿弥陀佛无量功德。南西北方四维上下，诸佛称赞，亦复如是。何以故。他方佛国所有众生，闻无量寿如来名号，乃至能发一念净信，欢喜爱乐，所有善根，回向愿生无量寿国者，随愿皆生，得不退转，乃至无上正等菩提。除五无间，诽谤正法，及谤圣者。

《如来会》·读本第二七〇页

复次，阿难。东方有恒河沙数世界诸佛如来，出广长舌相，放无量光，说诚实言，称赞无量寿佛不可思议功德。南方亦有恒河沙数世界诸佛如来，出广长舌相，放无量光，说诚实言，称赞无量寿佛不可思议功德。西方亦有恒河沙数世界诸佛如来，出广长舌相，放无量光，说诚实言，称赞无量寿佛不可思议功德。北方亦有恒河沙数世界诸佛如来，出广长舌相，放无量光，说诚实言，称赞无量寿佛不可思议功德。如是四维上下恒河沙数世界诸佛如来，出广长舌相，放无量光，说诚实言，称赞无量寿佛不可思议功德。阿难。于意云何。欲令众生闻彼佛名，发清净心，忆念受持，归依供养，求生彼

土。是人命终，皆得往生极乐世界，不退转于阿耨多罗三藐三菩提。

《庄严经》·读本第二九三页

我闻如是：一时佛在王舍城耆闍崛山中，与大比丘众，千二百五十人俱。诸漏已尽，神通明达。诸众圣其名曰：尊者阿难，尊者目犍连，尊者舍利弗，尊者大牛王，尊者摩诃迦叶，尊者摩诃伽耶迦叶，尊者大周那，尊者名闻迦叶，尊者大净心志等，皆如斯等以为上首；又普贤菩萨，文殊师利菩萨，信净慧菩萨，善解脱菩萨等。诸大正士，满足无量愿行，安住不可思议功德之法，智慧圣明，如是等诸菩萨众，不可称计，即时来会。

尔时世尊告阿难曰：乃往过去，久远无量无央数劫，有一大比丘，名曰法藏。值遇无数百千佛，满足无量愿，超过诸佛所行之法。

时有国王，闻佛说法，心怀悦豫。寻发无上真正道意。弃国捐王，行作沙门，号曰法藏。

《无量寿经》·读本第二二六页

精进勇猛，勤苦求索，如是无央数劫。所师事供养请已过去佛，亦无央数。

《平等觉经》·读本第一三六页

阿难。法藏比丘于其佛所，诸天魔梵龙神八部大众之中，发斯弘誓，建此愿已，一向专志庄严妙土。所修佛国，开廓广大，超胜独妙。建立常然，无衰无变。于不可思议兆载永劫，积植菩萨无量德行。

《无量寿经》·读本第二三〇页

如是经无量无数百千万亿劫，亲近诸佛，植众德本，所集阿耨多罗三藐三菩提。

《庄严经》·读本第二九〇页

第十七愿。使某作佛时，令我洞视彻听飞行，十倍胜于诸佛。得是愿，乃作佛。不得是愿，终不作佛。

第十八愿。使某作佛时，令我智慧说经行道，十倍胜于诸佛。得是愿，乃作佛。不得是愿，终不作佛。

《佛檀经》·读本第一八五页

彼法藏比丘，今已成正觉，现在西方清净安乐刹，号曰：不可思议光无量寿如来。

佛告阿难。法藏菩萨今已成佛。现在西方，去此十万亿刹。其佛世界，名曰安乐。

《无量寿经》·读本第二三一页

尔时世尊告舍利子。汝今知不。于是西方，去此世界，过百千俱胝那庾多佛土，有佛世界名曰极乐。其中世尊，名无量寿，及无量光，如来应正等觉，十号圆满。

[注]：“不”在古文中亦读foǔ，同否。此处“不”即读foǔ。

《净土经》·读本第三八一页

其佛本愿力故，以不可思议威神力，遍满十方世界，以大音声，宣布名号功德。